

COMUNICATO n. 2450 del 10/09/2025

Ingètt zo macha di arbatn vor in näüge tunnel vor 8,5 mildjü aftn bege boda pintet Leve un Kalnètsch pittar Zimbar Hoachebene

Laaz, in viarn hām ingètt zo macha di arbatn

[Cimbro] Da soin viare di firmen boda hām inngètt zo macha di arbatn zo: “pezzra un betarn in provintziāl bege n. 133 von Laaz – toal 1 (arbat S-136) zbisnen Leve un Kalnètsch un da Zimbar Hoachebene, aftz disan bege di vüarom geat vür untarzolega gèlt. Ditzā iz bazta iz auzkhent von earst trèff bodase iz gehaltet in di emtar von provintziāl Amt vor di apalte un di kontratte, un boda est bart vürgian nā dar protzedür zo geba zuar di arbatn.

“Z iz guat azta saibe interese von firmen vor disan prodjèkt boda iz khent vürgelekk pittnāndar pinn lentar bosen āgeat un boda hatt ’z zil zo pezzra in provintziāl bege n.133 von Laaz haltante in gāntz in groaz storege vèrt bdar hatt. Est paitpar azta kent zuargètt dar apalto zo macha di arbatn” ditza hatta khött dar vorsitzar vodar autonome Provintz vo Tria Maurizio fugatti.

Dise näüng arbatn gian vürsnen nā in sèlln boda sa soin khent gemacht aftn bege von Laaz, vo disan, di lestin soinse gemacht verte ’z djar 2023 balda iz khent auzgepezzart dar tòkko zbisnen in kilòmetro 6,6 un in kilòmetro 6,8 (arbat S-891).

’Z izta khent augemacht pittnāndar pinn vüarom von lentar zo macha an uantzegen tunnel in nidarbart, di zboa stòregen stöll, anvétze, bartmase mang machan lai in khemmen auvarbart, ditza bart zuargem zo maga viazarn pezzar übarhaup balda iz vil trafiko.

Di arbatn vor disan earstn toal bartn khemmen zo khosta in gāntzan 8.583.500 euro, vo disan 235.500 euro vor di sicharom, darzuar bartnda soin no soin 3.226.100 azta hettat auzzovalla eppaz bomen nèt sait impitet un āndarz.

Ma lekk vür zo macha verte di arbatn in 560 tang nā un nā.

[Zo bizzasan mearar afte arbatn S-136 da](#)

Übarsetzt von Schaltarle vor di zung von Toalkamou vodar Zimbar Hoachebene

(cdt)